

小華外史
甲

共六

U 6
4074
4



門 9 伊 6
號 4074
卷 6-4



小華外史卷之七

首陽逸民吳慶元

編輯

男顯相重校

丁丑十年

仁祖大王十五年

春正月辛丑朔

王率扈從百官

行望闕禮除舞蹈

尊周彙編

○城中聞虜酋至將復送使

修歲禮遂遣金蓋國等

尊周彙編

○壬寅遣洪瑞鳳金蓋

國等復往虜陣

王召諸臣議曰

尊周彙編

凶言有二相

會及名分也此則凌不可從

南漢記

瑞鳳等受虜書以

還

兩子

崔鳴吉日渠既加詔諭字我用弟字其肯受

之提兵遠來者又豈無意

南漢記

東陽尉申翊聖疏言

八
卷之五
虜既肆然稱帝送此偽詔意不在約和而止天經地
緯不可紊也願焚虜書以勵士氣以伸大義樂全堂集○
針醫李亨翼請對曰斬主和者以激士氣斬逗留者
以懲後君君臣父子背城一戰同死社稷則元孫大
君方在江都或有恢復之望今若與虜講和 殿下
將何面目以見臣民乎南漢日記○忠清兵馬節度使李
義培慶尚兵馬左節度使許完右節度使閔栴與虜
戰于雙嶺兵敗死尊周彙編○崔鳴吉撰進答書尊周彙編
王曰恨不早死因泣下霑襟南漢日記金瑬等遂稱朝鮮
國 王謹上書于大清寬溫仁聖皇帝書辭委婉以

示遜謝之意大司憲金壽賢掌令李厚源持平林潭
爭言其不可遂遣洪瑞鳳等持書往虜陣虜酋受書
不答尊周彙編○甲辰司諫李命雄正言金慶餘校理尹
集修撰李尚馨言使虜酋敢致偽詔者皆由崔鳴吉
主和之說誤之也不罪鳴吉終必有靖康之禍 王
曰南門危迫之際挺身請往以緩賊鋒可嘉不可罪
也尊周彙編○乙巳全羅道節度使金俊龍破虜兵于光
教山斃其將揚古利尊周彙編○虜入成川府使金瑋被
執不屈死尊周彙編○庚戌金自點李碩達入援至兔山
猝遇賊戰敗載寧郡守崔擇善被執死從事官鄭太

和江陰縣監邊士紀督兵力戰虜亦大挫而退尊編

○癸丑 王親巡南城金塗等復請送使遂使洪瑞

鳳等持書送虜陣書曰弊邦曾托兄弟之義兄之於

弟有過則責之固也若責之太嚴友有乖於兄弟之

義則豈不為上天之所恠乎小邦世受 皇明厚

恩名分素定壬辰之亂朝夕且亾 神宗皇帝動

天下兵拯濟生靈於水火之中小邦之人至今銘鏤

心骨寧失歡於大國不忍負 皇明無他其受恩

厚而感人心深也今小邦自致兵禍君臣父子久處

孤城大國若捨前過俾得保守 宗社則是一舉而

結大恩於東土也不然而務窮兵力悵一朝之忿傷

兄弟之恩其在大國恐未為長策也丙子錄 ○丁巳遣

洪瑞鳳等受虜酋書還南漢日記 ○戊午金塗等請勘定

國書 王曰予不忍見此卿等自為之塗等退而撰

書崔鳴吉議稱陛下用虜年號而辭多卑屈尊編金

尚憲不勝憤激痛哭裂書遂詣闕求對曰夫勸 殿

下出城者忍辱圖存之計然我朝立國名義正大今

若俯首臣虜則草野義士憤惋欲死恐有難言之變

也清陰記 又曰彼若以君臣之義責之終至於出城則

將何以有辭 王曰事難逆觀卿見得之耶或人之

言得之耶漢記李植曰何可輕定名分鳴吉曰指陛下字耶滿城人無不欲為此而裂書之後近於臣字輒欲刪去何也尊周彙編乃刪改其書書曰大國威德遠加諸藩合辭天人所歸景命方新而小邦以昔年兄弟之國顧反獲戾於興運之初反求諸心噬臍靡及今之所願只在改心易慮一洗舊習舉國承命得此諸藩而已許以自新則文書禮節自有應行儀式而至於出城之命實出仁覆之意重圍未解帝怒方盛在此亦死出城亦死是以瞻望龍維分死自凌情亦減矣皇帝方以天地生物為心則小邦豈不獲預於

全活優養之中敢吐情實恭竢恩旨丙子鳴吉與洪

瑞鳳等往虜陣尊周彙編為虜所却漢記○已未遣李弘

胄崔鳴吉尹暉復往傳書李敬輿曰國書有不忍言者若至於奉表稱臣則二百年禮義掃地盡矣 殿

下何面目更對臣民乎 王曰以正理則惟當背城一戰君臣同死社稷夫何言哉尊周彙編○庚申李弘胄

崔鳴吉尹暉受虜酋書而來其書曰命爾出城見朕者欲加恩于爾永主爾國示仁信于天下耳爾若猶

豫不出地方蹂躪芻糧罄竭禍變日增誠不容時刻緩者也爾首謀敗盟之臣朕原欲盡誅方已今爾果

出城歸命可先縛送首謀三四臣當正國法以儆後人蓋陷爾舉國沾危誤朕西征大計成此人之罪也若不縛送埃後始行索取朕不為也 王召問羣臣金遼鳴吉等復議稱臣尊周彙編吏曹參判鄭蘊上劄曰前後國書皆出於鳴吉之手辭極卑諂乃降書也然猶不書臣字名分未定也今若稱臣則當惟其命是從與其屈膝而生曷若守正而死 社稷嗚呼我之於中朝非如麗季之於金元父子之恩其可忘也君臣之義其可背乎民無二主而鳴吉欲二其主是可忍也桐溪集大司憲金壽賢執義蔡裕後掌令黃一皓

持平林潭等爭之不得尊周彙編○辛酉李弘胄等齎國書往虜陣虜却而不受尊周彙編○壬戌虜將多爾袞陷江都檢察使金慶徵李敏求日與沉醉謂敵兵不能飛渡防備益疎進士尹宣舉沈世熙貽書責曰王趾巡城儒臣守堞薪膽卽事盃酒非時慶徵等怒詬之至是虜兵至甲申津乘小船擁盾搖櫓中流而下忠清水軍節度使姜晉昕率舟師迎戰破其數艘留守張紳先鋒井浦萬戶鄭挺又破虜一艘紳遽鳴金退船虜遂登岸中軍黃善身千摠姜興業具元一力戰死虜兵直趨府城領敦寧金尚容登南門樓自燒死

宗室祥原守世寧承旨洪命亨正即金秀南別座權
 順長生負金益兼皆從死前判書李尚吉敦寧府都
 正沈覲其妻宋氏自縊死弼善尹烜前掌令李時稷
 鄭百亨司僕寺主簿宋時榮前佐即李士珪前縣監
 鄭洙前翊贊姜渭聘廣興倉守李惇五正字李嘉相
 等皆死士人及婦女殉節者不可勝計尊周彙編○癸亥
 世子痛虜酋脅王出城欲自往緩禍金瑬崔鳴吉
 以斥和首謀書報虜酋尊周彙編周旋解圍市南日記以平壤
 庶尹洪翼漢將修國書尊周彙編王曰寧與同死決不
 忍為也南漢日記○虜兵豎雲梯將登西城守禦使李時

白率眾拒戰又犯東城訓練大將申景禎擊却之尊周彙編
彙編○甲子虜兵犯南城摠戎使具宏擊却之尊周彙編○
 李弘胄崔鳴吉等往傳國書虜既受還却廟議將夏
 查首謀外斥和者尊周彙編於是使之自首此計出於鳴
 吉李聖求而成於金瑬不稟而擅斷者恐聖意之
 不忍也市南日記判書金尚憲參判鄭蘊前大司諫尹焯
 司諫李命雄玉堂尹集吳達濟金壽翼金益熙鄭雷
 卿佐即李行遇洪琢皆自請往尊周彙編司書尹文舉子煌
 請代父行王慰諭不許南漢日記說書俞際上疏曰
 殿下於反正初歷數光海通虜之罪此乃今日立國

之本也惟彼斥和之人只知天地之常經欲扶不易之大義而已有何誤國之罪也市南集○丙寅四營票

下軍兵譟于宮門外請得斥和臣與賊蓋使將官備

為此舉要脅君父且使異己者毋敢或梗於出城之

議其源實出於崔鳴吉偃月之計也清陰記略王泣下

曰以予為君父而從入孤城此人何辜虜始求世子

為質送人于彼諭以世子將出之意金瑬曰渠之所

望在於極處世子雖往無益也南漢記鳴吉與洪瑞鳳

金蓋國同往虜陣還奏江都陷敗狀瑬鳴吉等曰漢

高祖屈身於鴻門唐代宗親拜於回紇人君當為國

家萬世慮不當效匹夫之為諒也尊周彙編吏曹參議李

敬輿曰二百年 宗社一朝至此 殿下雖為臣民

忘身其如青城之辱何哉宰臣辛啓榮李景憲力請

一戰而死南漢日記○丁卯李弘胄金蓋國崔鳴吉往傳

國書還鳴吉曰臣言斥和南漢日記雖與我志則不同

罪有可恕特以三百年服事 明朝不可遽議背

之也今既和好豈不移此心以事大國乎虜乃相顧

而笑也尊周彙編○判書金尚憲參判鄭蘊聞 王將出

城尚憲解衣帶自縊蘊拔佩刀刺其腹羅萬甲李敬

輿救之得不死丙子○戊辰平安道巡察使洪命耆

節度使柳琳遇虜兵于伊川敗之進屯金化虜數萬
騎從後襲之我師大敗命者遂死之琳殪虜一將殲
其眾尊周○金瑒崔鳴吉李聖求請送自首者十一
人詣虜營謝過尊周副提學李景奭大司諫朴潢固
請減數市南於是瑒鳴吉等請送平壤府庶尹洪翼
漢玉堂尹集吳達濟三人翼漢自平壤押送 王許
之集達濟拜辭行宮 王泣下沾襟曰爾等欲使君
父守正而乃至於此古今天下寧有是耶命饋二臣
酒曰為國珍重南漢○己巳副校理吳達濟校理尹
集往虜陣丙子虜酋問大軍之來何窮蹙若是耶二

人曰我國服事 大明已二百年臣民知有

大明而已爾國既僭號則義所當絕我等爭之所爭
者惟大義而已勝敗存亡不須論也虜遂解縛拘置

軍中三傳○虜酋脅索 皇朝所賜誥命冊印發

兵船助攻皮島南漢鄭蘊上疏曰崔鳴吉既使 殿

下稱臣出降君臣之分已定矣臣之於君可爭則爭
之可也彼若求印必爭之曰 祖宗所用當還納

皇朝虜若助攻皮島必爭之曰教子攻父有關倫
紀彼之凶狡亦必諒矣願以二者爭之更不得罪於

天下後世桐溪○庚午是日日無光丙子平明 王

與世子出城前判書金尚憲伏路左痛哭拜送尊編

百官落後者立於西門捷曾哭踊既講和南漢記王

遂還都馬上失聲痛哭申翊聖進曰此心足以雪耻

中興也續編○二月壬申虜兵分道撤歸咸鏡南道

節度使徐佑申與蒙古戰于安邊南山驛遇伏大敗

虜侯韓者榮德源府使裴命純洪原縣監宋諶皆死

尊編○三月初 帝聞虜犯本國命登萊摠兵陳

洪範副摠兵金日觀調各鎮舟師赴援山東巡撫顏

繼祖奏屬國不可救 帝不聽至是洪範等始出

海聞南漢圍解駐師皮島繼祖奏屬國失守江華已

破今大治舟艦來攻皮島鐵山其鋒甚銳目前事勢

先自為地而後可為鮮地必先退足守而後進足戰

竊謂皮島一塊土鮮之所為伺動靜亦登之所與共

休戚故救鮮不得不護島而保全齊又不得不護登

宜憲勅沈世魁陳洪範二鎮臣以堅守皮島為第一

義 帝以繼祖不能協圖往救且因失守自詡言

切責之史明○甲辰虜殺前掌令洪翼漢虜酋盛陳兵

縛翼漢脅之曰汝何絕盟以間兩國翼漢曰汝既與

吾國約為兄弟反欲稱帝臣我絕盟之罪其在我乎

其在汝乎仍索筆奮書曰聞爾淪渝盟稱帝覆載之間

寧有二天子哉故首建此議欲守禮義是臣職耳又
問吾不可為皇帝乎翼漢曰汝乃 天朝反賊何
得為帝虜酋怒殺之華人降虜者莫不嘖嘖嗟歎學
士遺○夏四月金塗崔鳴吉請竄黜斥和人尹煌俞
棍洪琢俞際李一相趙綱金壽翼申恂等丙子陽平
君許禔上疏曰亦大之號何敢妄加無二之稱所當
峻斥此實天地間一脉正氣之所在也此論若寂然
不發則誰以我國為禮義之邦乎方其搜給之時人
皆以為必戮及其縛致營中笑而受之解而冠之彼
雖恫喝而亦知正氣之不可無也願勿追論以鎮朝

議

水色集

○虜陷皮島瑪福塔以船五十艘載精兵使
孔有德耿仲明將之夜三更自鐵山渡海由島西乘
其不備而入縱兵擊之陳洪範與副將白登庸走石
城島金日觀偕諸將楚繼功等相持七晝夜力戰死
之沈世魁知事不濟據床而坐瑪福塔遣人誘世魁
曰若降富貴可全世魁曰 大明臣死豈降汝乎
瑪福塔殺之島中軍民死者數萬 王聞之惻然命
關西道臣收世魁屍具棺槨以葬尊周○戊子虜殺
校理尹集副校理吳達濟虜酋使英俄爾岱招質館
宰臣南以雄等勸集等率妻子來居集等抗辭不從

曰屈身之辱反甚於死爾岱知其終不可屈使從胡
綆縛甚急二人猶回顧奮罵遂出西門外殺之王

聞之慘然歎曰義不降虜至死不屈於國不亦有光

乎三學士遺稿○開國方略丁丑三月甲辰朝鮮國
臣洪翼漢等伏誅先是汗諭朝鮮國王縛送首

謀敗盟三四臣當正國法以警後人其奏書首倡浮
議之臺諫洪翼漢隨和之弘文館校理尹集修撰吳

達濟送諸軍前至是斬洪翼漢尹集吳達濟
於市以正倡議祖明敗盟構兵之罪○陪臣

金堉時在京師 帝特命堉同廷臣進參賀班蓋

異數也及本國被兵下城廷臣或請罪使臣 帝

以國小力弱不能自振使臣奚罪特加哀憐慰諭備

至文獻備考兵部尚書楊嗣昌奏朝鮮貢使將次起程竊

念彼國失守至今已踰一月音問寂然未知竟作何

狀使臣之去正好乘便偵詢臣愚欲請天恩比常倍

加賞賚特賜勅使伴送其行誠恐前經海島將吏兵

民不知 天朝字小之恩維繫屬國之心或利其

所有明欺暗害便指使臣為賊塘報捏功乃令使臣

氣不得伸從此甘心永絕失着不小 帝諭曰屬

國世稱忠義力屈降虜情殊可悶據奏加賞伴送用

昭朝廷字小之恩具見深慮選廉能武臣一負導護

出海一面移會所在官司如有侵侮欺害者即便嚴

究拿治仍指實來叅重處堉等見題本始知本國被

兵狀東向痛哭呈文懇究既發程至山海關巡撫方一藻差龍武營游擊張成功領四兵船兵一千人護送潛谷集○五月前判書金尚憲疏辭扈駕勞進秩曰方駕住山城也大臣執政爭勸出城臣敢以死守之義安陳榻前臣罪一也降書文字所不忍見手毀其草痛哭廟堂臣罪二也兩宮親詣敵營臣既不能碎首馬前病又不得隨行臣罪三也負此三罪尚遭刑章豈敢與諸臣之終始執羈勒者均蒙恩數也嗚呼母信一時之要盟母忘前日之大德母過恃虎狼之仁毋輕絕父母之邦每思先王奏文萬折必東之

語不覺涕淚霑襟也

清陰集

○皮島之陷也沈世魁部

下將官呂碧逃至義州林慶業厚資以送陳洪範因碧備聞本國事情至是移咨曰該國力弱難支陽順陰違然一段戴天朝之忠義固可原也又以副

摠兵劄付二道授柳琳及慶業曰今防禦使林慶業才猷克壯忠勇兼優可倚干城即以本官陞摠兵職矢心滅虜又與白登庸移帖慰王王回帖謝之遂以本國被兵始末咨送于洪範曰當職區區為

皇朝守義之心反為挑釁強鄰貽禍本國延及皮島以重我皇上東顧之意更何言哉綱編小邦臣

事 皇朝垂三百年 太祖高皇帝定其始封

列聖繼述恩典加隆至於萬曆再造之恩浹人肌髓環東土大小臣民父父子子世世感戴期以死報德至于不肖之身遭罹厄會事乃大謬自從丁卯以來羈縻緩禍苟支時月十年于茲及其兵勢益熾受逼滋甚捐隘之性久不能堪至於差人議號事端頻異一言酬應後更難處不量強弱輕為斥絕加以師言漏洩自促禍機一國蕩殘萬姓塗炭子婦臣僚俘幽異域身留空城命懸虎口喘息呼吸不得自由魄銷體鑠偷活度日雖欲復齒人倫不廢宗社殆未

可望也至於殺身成仁以報 皇恩者則猶是當

職自勉處而上懼先祀之永殄下悶生靈之殲盡不早自裁蹉跎至此盲人雖不忘視誰為開瘼痿人雖不忘起誰為點跟天地廣包而自陷於坎井日月高懸而自蔽於窮蔀含冤忍痛無所告愬擬欲專差渡海具陳小邦情狀以竣鈇鉞之誅而危機纔脫禍端未已心存必東勢難自拔瞻望雲霄第增哽塞其回洪範帖曰不穀向者忝承統緒抗捏靡定惟 聖天子庇蔭是賴不幸疆域啓釁揣勢非敵然且彌縫撐拄趣過目前亦莫非東路諸公左右維匡效也至

及大義所關危機交迫則不穀不得不秉義持異以致今日禍殃也方當嬰骸嬰城蒿目待救固日望大軍之至而奈水洄汎阻勢不逮遠不穀亦豈不念大人至忱耶乃今國破家殘名巖身辱雖蒙大人重煩提挈欲與周旋將何顏面復對天日將何羽翮更接風雲耶中心悃悃具在咨報一通早欲專价承教勢拘途梗緘封多日幸今詞音有便併此付達意在言外自可默悟所望終始體恕而已其回登庸帖曰不穀負罪天地偷息朝暮特一逋誅人耳今蒙左右枉辱書帖曲賜矜恤凡弊邦顛沛情狀與不穀菀結心

志無不洞察而明諭之奉讀悻慄隨以感泣往年旌鉞之東臨也正屬弊邦據義挑釁之始蒙大人過賜提獎不穀固已銘之衷曲當在圍城緬想左右屬意拯溺何憚濡足而勢所不及尚復何言即今國家殘破身名撓敗雖欲復接下風得為完人殆未可期也琳答登庸書曰伏奉督府劄付見授以副摠職啣感激涕泣不知所達藩國陪臣原不當玷辱大朝名器况卑職功蔑罪大何以當此隆重惶悶隕越不敢冒受林慶業本屬卑職管內渠亦何敢當此謹將原劄付還納節下區區中誠有難以書牘煩縷只自掩抑

摧咽而已

澤堂集

○六月陪臣金墉還自京師墉自寧

遠乘船至長山島黃孫茂陳洪範白登庸留墉數日

待之甚厚日聞國 王失印若移咨則當奏請改鑄

以送三人皆移帖于 王洪範送玉帶錦緞請為

王章服又以米布助墉行資謂曰我送哨船貴國人

皆驚惶避匿切不可如此我豈有相害之理哉且虜

雖借舟師於本國必須先通于我使我得以有備可

也墉既復命 王召問 天朝事墉對曰 天

朝洞知我國情實每謂勢窮力弱故然也兵禮二部

沿路帥臣皆厚待臣等 王曰天恩何可量也

澤堂集

遂回孫茂帖曰喪敗餘生囚首避影貢役回辱賜問

慰捧書悲咽涕血交集往年西釁之初起也獲觀台

臺奉勅儼臨恩榮所被邦域增重咨度所暨軍民改

觀窈謂奉令承誨庶幾從事有終豈意瑣力未振危

機遽迫數百年世守藩服呼吸淪陷一至此哉仍惟

台臺督師冒險無非為弊邦拯溺計而奈何不祿先

自顛隳其亦末如之何所幸督府諸大人克體

聖天子沛宥之恩軫念垂恤有如此者窮鱗落羽尚

有再活之望天時荏苒節序回環正當賀使登舟之

日而形格勢阻北面叩心更何言哉回洪範登庸帖

曰不穀薄祐鴛材致此傾覆身為辱人命在深穽伏蒙 聖天子仁恩博施廓開羅網賢大夫義烈敷暢曲軫墊溺前後惠翰存念慙懃戒諭丁寧不穀君臣敢不緘髓銘骨窮劫為期耶至於貢役回程

聖旨特下諸鎮護遣舟師過島軍律有截殘岷得保乃知天地之所包覆日月之所旁燭蓋至此極也顧未知下邦君臣何時何階報答稱塞耳

澤堂集

戊寅十一年仁祖大王十六年春正月乙丑朔 王行望闕禮

設位宮庭西向哭拜蓋變其常禮也

寶鑑別編

○三月陳

洪範送二哨船來泊義州致都司書曰爾國雖已服

虜聞間巷愚民莫不憤惋為 天朝墮淚其忠義

可知 王命林慶業往見都司備陳本國事勢轉通

洪範寶鑑別編○秋八月虜酋將謀西犯徵兵五千于我

始虜酋之許和也約以遣使調兵不得有誤期會及其既歸遣左議政李聖求等使虜書曰本國臣事

明朝二百餘年受恩甚厚義不可忘此樂毅所以

終身不敢謀趙之奴隸者也古者有為舊君服喪之

禮臣事之地恩義至重區區此心天地鬼神亦必矜

恕也聖求等至瀋畏懼不敢傳至是復遣左贊成洪 霽報不得調兵狀虜酋大怒使范文程等詰責世子

即日逐靈還廟堂以李時英為上將柳琳為副將發兩西兵以往檢閱申冕上疏曰今日之事當以大義為裁國雖顛仆尚不得罪於天地矣何忍以

神宗皇帝再造之國用

神宗皇帝所活之民驅之

渡江哉館學儒生金廷徐匡履崔後賢申昇等上疏爭之琳至義州士卒不肯前時英俄爾岱等來質館咆哮曰往在戊午

明朝徵兵聞命即發今獨後

期何也乃令罷兵琳等遂旋歸前大司諫尹煌聞時英等之入錦州歎曰吾無面立於天下因誦祖逖誓江辭慨然而卒尊周彙編○九月虜兵由墻子嶺入寇摠

督薊遼兵部侍郎吳阿衡死之京師戒嚴尊周彙編○冬

十月初南漢圍解判書金尚憲入安東鶴駕山前參判鄭蘊入茂朱德裕山不復仕尊周彙編 或讓尚

憲曰子縱自潔獨不念先王之澤乎尚憲曰君死

社稷則臣從死不然則爭之爭而不得則退而自靖是義也今姦臣挾虜脅君以自功僕每思

神宗

皇帝之恩未嘗不彷徨窮谷泣血焦乾欲一劍斬虜首之頭剖奸臣之心而不可得也陪臣至是掌令柳

碩朴啓榮啓尚憲自以不事汚君鼓舞異論李汝翊李道長并論鄭蘊要潔其名不念分義尊周彙編崔鳴吉

謂尚憲好名不恤國事至削枚卜述兵曹叅判李敬輿上疏曰二百年禮義之邦為天朝守義者

惟此二臣而又從而深攻焉則其何以有辭於天下後世也集白江○叅判俞伯曾疏曰今民心思漢莫不

涕泣憤慨欲為皇朝復讐苟能奮發大義鼓勵士氣其勢必振因陳自強之策尊周彙編○十一月虜陷

高陽致仕太學士孫承宗死之徵摠督延綏等五省軍務洪承疇入衛明史

已卯十二年仁祖大王十七年春正月王行望闕禮于明政殿庭尊周彙編○夏四月虜殺文學鄭雷卿時雷卿從世

子在質館見鄭命壽陰賣我以媚虜不勝憤痛與講院吏姜孝元欲除去之卒為命壽所陷縊殺之并殺

孝元尊周彙編○秋八月平安道節度使林慶業遣崔孝一入中國孝一義州人與宣川車禮亮龍川安克誠

素稱關西豪傑自丁丑以後三人常憤悒思一雪國耻至是孝一謁慶業願浮海入中國勸諸將伐虜又

得壯士入灌與中國人陷虜者合謀相應慶業喜而許之義州府尹黃一皓亦資送之孝一遂全家浮海

入皇朝說陳洪範洪範不能用去之寧遠為摠

兵吳三桂麾下將官尊周彙編

庚辰十三年仁祖大王十八年春二月世子自瀋歸覲虜以元

孫替去持平曹漢英上疏曰助仇讐攻父母縱緣強

暴之驅迫既闕一介之使陳情於出城之初又無咫尺

人之書先通於出師之前未知國家將何以逃不義

之名晦谷集咸昌儒生蔡以恒疏言奮發大志昭揭大

義尊攘編○先是移咨陳洪範而久未見回報王欲

專送一介以圖轉聞皇朝兵曹判書李時白請

送林慶業等由水路通問王曰惟如此然後可使

後世知予本心也會慶業募浮屠獨步有膽智可使

送獨步持咨往傳于洪承疇再往不得報王復遣

之尊周編○夏四月虜酋將復犯錦州脅徵我舟師金

尚憲尊周編上疏曰聞朝廷將發兵五千助瀋陽犯

大明自古無不死之人亦無不亡之國死亡可忍

從逆不可為也有人助仇讐攻父母殿下必命有

司治之其人雖善辭自解殿下不赦必加以王法

此天下之通義也今以利害論之徒畏強鄰之暴而

不懼天子六師之移非遠計也人皆曰彼勢方

強違之必有禍臣以為名義至重犯之必有殃與其

負義而終不免危亡曷若守正而俟命於天乎我

太祖舉義回軍建三百年鞏固之基宣祖至誠事

大被壬辰拯濟之恩今若棄義忘恩忍為此舉何以見先王於地下哉清陰集持平曹漢英檢閱趙復陽亦上疏力爭右議政姜碩期請令林慶業募人先報于陳洪範及是虜威喝益急又令輸歲幣米一萬包于軍前遂以慶業為上將黃海道節度使李浣為副率眾以行尊周彙編○世子復入瀋世孫回轅通文節志○林慶業李浣等進至石城島託言遭風漂失潛送三船于寧遠軍門告虜陰謀具言雖被驅脅不忍負義狀洪承疇嘉其志使二卒歸報稱颺 皇旨移書獎勵慶業見其書欲率眾歸附浣曰奈禍及國家何慶

業乃止至蓋州見官兵四十艘結營守汛先發大礮麾之使去佯與之戰矢去鏃礮去丸兩軍無一死傷虜將大惠迫令前進慶業陰戒舟工日沈數船破器械棄資糧示不可行虜酋聞之以偽勅諭慶業等曰爾等淹留水上既不肯進又不肯退皆爾輩同 王與爾輩同 明朝通謀故為巧飾令慶業卸米於蓋州只領砲手一千移駐海州慶業遂焚其船而行浣率餘兵從陸歸國慶業留海州五月亦歸尊周彙編辛巳十四年仁祖大王九年春正月虜以前判書金尚憲為天朝守義持平曹漢英儒生蔡以恒橫議幽之

潘陽尊周彙編○夏六月洪承疇得獨步所傳咨遣二唬

船來泊宣川其回咨曰 賢王以英明之姿遭陽九

之會胡馬猖獗荐會屬藩而我不能整師剪滅此乃

貴國之劫數也然貴國一段苦情天人共鑑即為轉

達 天聽則惻念遐方甚為勤切貴國歷世貞順

勞不可泯雖暫迫時勢見窘於虜然中朝文武方切

齒軫念豈忍督過安心協力以效桑榆 王喜以武

臣沈天民馳往接待密諭觀察使鄭太和厚遣資糧

銀蔘而遣之尊周彙編○秋八月洪承疇將救錦州出戰

連敗承疇固守松山亦被圍應援俱絕明史是役也虜

酋又脅柳琳迫之戰琳陰戒士卒去鈔發礮虜覺之

執麾下卒李士龍露刃脅之終不肯從而死尊周彙編○

冬十一月虜遣巴克什陽叙等殺前府尹黃一皓初

崔孝一浮海入 皇朝虜微聞之使謀者詐為孝

一書寄其甥張厚健時車禮亮欲與皮島舊將管貴

謀應孝一方在錦州領兵將柳廷益軍中厚健復孝

一書具道其事且曰黃府尹撫我家甚厚願舅氏亟

舉大事使本國復通 天朝也虜得其書遂發使

至王京執一皓厚健及與其謀者安克誠車忠亮盡

殺之至義州又殺孝一等諸族類及禮亮尊周彙編○司

諫趙綱上疏請毋忘再造之恩以通朝聘龍洲集

壬午十五年仁祖大王二十九年春二月松山被圍半年外援不

至芻糧竭至是副將夏成德為內應城遂陷洪承疇

等百餘人皆被執見殺獨承疇祖大樂降關門勁卒

盡喪明史○三月祖大壽以錦州降虜杏山塔山連失

京師大震明史○冬十一月洪承疇票下倪甲告於虜

曰昨年漢船到宣川設宴厚待贈米五百五十斛人

蓼五十斤銀子一千五百兩且付文轉奏南朝

又林慶業領舟師時佯言漂風終不交戰虜酋遂使

英俄爾岱噶林等至鳳凰城押致宣川府使李桂及

沿海居民窮問通商蹤跡桂言鄭太和給漢船糧資

事又言崔鳴吉林慶業遣獨步通信南朝李明

漢許啓預知其事李敬輿申翊聖及其弟翊全亦為

南朝守節定州民高忠元亦告鳴吉慶業與觀

察使閔聖徽相議送獨步祭告箕子廟誓扶南

朝虜急拘鳴吉太和聖徽慶業等太和語虜曰漢船

泊吾境糧盡不得返吾實與之朝廷不知也聖徽言

雖設祭而未嘗預謀慶業歎曰大丈夫寧可徒死虜

庭乎即道尊周彙編虜酋以崔鳴吉當初專管和事不

可輕易處斷與潘陽日記金尚憲及翊聖等五人幽之東

館聖徽削其職太和等見釋尊周彙編○虜兵分道入寇陷薊州京師戒嚴虜兵南下畿南山東州縣相繼不

守明

癸未十六年

仁祖大王二十一年

春二月虜酋釋申翊聖等五人

及曹漢英等四人許歸使英俄爾岱諭諸人曰本國

臣事

南朝既有壬辰拯濟之恩

先國王盡誠

是矣然丙子興師我亦樹德於本國

南朝之恩

在先王我國之恩在今王何可忘我恩而扶

南朝乎諸人知此意歸告國王可也尊周彙編○秋

八月虜酋死子福臨襲偽號改元順治尊周彙編

甲申十七年

仁祖大王二十二年

春三月乙巳流賊李自成犯京

師丙午外城陷

皇后周氏崩丁未昧爽內城陷

帝崩於萬歲山之壽皇亭內臣王承恩從死文

臣自范景文勲戚自新樂侯劉文炳以下殉節者四

十餘人丙辰賊遷

帝后梓宮於昌平昌平人啓

田貴妃墓以葬

明史

○夏四月虜將多爾袞大舉西犯

未至義州山海摠兵吳三桂遣副將言流賊已陷京

師方向關上願憲來相救多爾袞聞之引兵疾馳已

卯至關三桂開門出降合兵陣關內與賊戰于一片

石乘風縱擊大敗之遂直趨燕京尊周彙編○五月賊焚

宮殿及九門城樓挾

皇太子定永二王西走周尊

編彙○帝崩訃至 王適幸西郊掩泣還宮寶鑑別編

金孝誠與宰相書曰宜有縞素之舉以寓思漢之心

聞者躋之朝野輯要○壬寅 福王即位改元弘光

神宗皇帝第三子福恭王常洵之子諱由崧太學

士高弘圖疏請遣官招諭朝鮮示牽制之勢 帝

嘉納之明史○崔孝一上 先帝陵痛哭七日遂餓

死林木下吳三桂收而葬之七義傳○六月上 大

行皇帝謚曰 烈皇帝廟號曰思宗思字太學士

高弘圖所擬也聖安皇帝本紀忻城伯趙之龍奏辨 先

帝謚不當廟號曰思思字非美蓋李沾喉使排弘圖

也復改 毅宗甲乙史

乙酉弘光元年仁祖十六年春二月虜酋許世子 大君

還國通志并釋崔鳴吉金尚憲尊問彙編○三月 毅

宗忌辰 帝于宮中舉哀百官于太平門外設壇

遙祭以東宮二王附南略○夏五月虜將多鐸等陷

揚州督師太學士史可法死之 帝奔蕪湖京城

趙之龍錢謙益等率諸勳戚文武降虜 帝遂北

狩南略靖國公黃得功死之綱目 帝北行後凶

聞至南略○鎮江總兵官鄭鴻逵鄭彩撤師回閩會

唐王從河南來

王諱 聿 鍵

太祖九世

孫性率直喜文翰閏六月十五日乙未即帝位于福

州遙上 福王尊號曰 聖安皇帝明季南略○冬

十二月太學士黃道周請往江西圖恢復進至婺源

遇虜兵戰敗被執死之尊周彙編

丙戌隆武元年二十祖大王夏五月上 先帝謚曰赧

皇帝明紀編年○六月先是林慶業浮海至濟南府海豐

縣登州守將留置幕中京師既陷移屯石城島登州

副將執慶業降虜虜脅令剃髮終不屈遂繫之獄至

是還送本國曰慶業潛送奸細私通別國及領舟師

故誤軍器投竄

明朝罪惡多端因平定中原施

恩大赦即與解回尊周彙編○秋八月虜兵遠陷江浙諸

郡閩中大震 遂幸贛嶠嶠軍旅猶載書數

十車以從明季南略 帝自延平幸汀洲虜兵追之

帝與妃曾氏俱被執妃至九瀧投於水 帝遇

弒於福州給事熊緯尚書曹學佺等死之尊周彙編○冬

十月 永明王監國于肇慶 王諱 由 柳

神宗孫桂端王第四子行在陽秋○上 烈皇帝廟號

曰威宗甲乙史 隆武帝尊號曰思文皇帝行在陽秋○

十一月唐王聿錫自立于廣東思文皇帝弟 改元紹武行在

陽○庚申 永明王即帝位陽秋○十二月虜兵
薄廣州 帝至梧州陽秋○虜兵入廣東唐王自
死明紀

丁亥永曆元年仁祖大正十五年春正月 帝在梧州陽秋
○二月 帝幸桂林復謀移蹕瞿式耜力爭不聽

竟出全陽陽秋○ 帝至全州劉承胤挾 帝
如武岡改為奉天府陽秋○秋八月 帝幸奉天

陽秋○冬十月 帝幸柳州陽秋○督輔瞿式耜
請駕還桂州陽秋○十一月 帝幸象州

帝幸桂林陽秋

戊子二年仁祖大正十六年春正月 帝在桂林陽秋○三

月 帝幸南寧陽秋○夏六月 帝幸潯州陽秋

陽秋○秋八月 帝幸端州即肇慶府○
己丑三年仁祖大正十七年春正月 帝在端州陽秋○夏

五月丙寅 王薨 王事大甚謹海路艱險而朝聘
惟恪在園城中遇節日輒行望闕禮如對咫尺還都

後御經筵講詩至樂只君子殿天子之邦為之太息
潛然泣下左右莫不於悒擬一從海路以暴忠赤而

竟未之達其萬折必東之心可質神明也列聖誌狀辛未
王世子即位國朝寶鑑○秋八月應教趙贊疏言丁丑

後 宗廟祝辭朝臣告身只書歲月不用年號乃

大行王定制也臣今玉冊誌石勿書虜年號凡悉制

祝式亦只用歲月以伸 先王當日之心從之寶鑑別編

○冬十一月 嗣王自在儲宮常慷慨有復讐志掌

令宋時烈深知 聖意有在上封事曰不幸建虜肆

凶 皇京蕩覆天下無主 弘光皇帝建號南

方大統有在何意天不悔禍逆虜復肆弑逆在今日

所以怨毒憤痛者舉天下孰如我哉况我 大行大

王至誠享上每蒙恩獎自丁卯以後遽為北虜所脅

持幽鬱隱忍忠節莫曰丁丑後事絕非臣子所忍言

者 殿下天錫勇智威德已著固知 聖美必已默

定伏願視吾力之強弱觀彼勢之盛衰縱未能提戈

問罪掃清中原猶或閉關絕約正名明理以守吾義

假使成敗利鈍不可逆觀其贖於屈辱而苟存不亦

遠乎 王方念生聚教訓之策嘗諭吏曹佐郎洪命

夏曰自古及今無不亾之國為君父復讐為諸夏攘

夷狄為生民明義理即天地之大經大法也况

皇朝之於我國乎大義既明雖至覆亾亦何媿乎惟

爾一二臣誓同此志以成大計尊周彙編

庚寅四年孝宗大元春正月

帝在端州行在陽秋○二月

虜兵陷南雄

帝幸梧州行在

○三月逆臣金自

點密令譯人李馨長告鄭命壽曰

新王盡黜舊臣

進用金尚憲金集等將欲北伐且以大提學趙綱所

撰長陵和陵大陵號誌文為不書虜謚之證復引慶尚

道觀察使李晏東萊府使盧協狀啓有倭情叵測漸

生釁隙請修城鍊兵以備陰雨之語以為經營北伐

之證於是虜遣六使賫書押至曰爾國料天下未平

恐調兵馬虛誘倭情會三公六卿鈞問綱及晏協領

議政李景奭皆引為已咎虜使既歸報虜主又遣藍

所伊等致書曰倭國朝鮮素相和好前事原與倭國

無涉尚欲與朕為難朕惟備之而已

尊周彙編○夏五月

禮曹言 列聖神主書

皇朝賜謚禮也今將改

題練主請議于大臣領議政李敬輿曰今若書以彼

謚則非 先王十三年薪膽之本心也左議政趙翼

請依虞主例勿書從之

尊周彙編○冬十一月

帝幸

藤縣陳邦傳自潯江迎駕

行在陽秋

○閏月虜兵陷桂林

留守大學士瞿式耜兵部侍郎張同敞被執不屈死

之行在陽秋○

帝幸南寧入土州

行在陽秋

辛卯五年孝宗大二年春正月

帝在南寧尋幸安隆州

行在陽秋

二十八

壬辰六年孝宗大春正月 帝在安隆州陽秋○王

手書密諭領議政鄭太和勉以國事曰今天下淆亂

英雄之蜂起必在不遠而朝廷無人國耻莫雪憂憤

填曾近世士夫全昧主辱臣死之義良可歎也尊周彙編

癸巳七年孝宗大春正月 帝在安隆州陽秋

甲午八年孝宗大春正月 帝在安隆州陽秋

乙未九年孝宗大春正月 帝在安隆州陽秋

丙申十年孝宗大春正月 帝在安隆州陽秋○夏

四月李定國迎駕入雲南陽秋

丁酉十一年孝宗大春正月 帝在滇都陽秋○夏

四月上 赧皇帝廟號曰安宗簡皇帝 思文

皇帝廟號曰紹宗襄皇帝南疆釋史○六月領中樞府事

李敬輿陳劄曰今郡縣兵捨南卦而編行伍此所謂

棄民之時也 王曰寡人絕嗜欲而夙夜焦勞者誠

以至痛在心日暮道遠故也寧不憾然尊周彙編○秋八

月自 帝即位本國漠然不得詳尊周彙編至是贊善

宋時烈上封事曰竊聞今日一脉正統偏寄南方萬

里鯨波信息難傳而精誠所在無遠不屆一國臣民

豈無忠信沉密應募願行者乎臣雖駑劣亟欲懷符

潛行以達吾君忠義之心尊周彙編○王召見贊善宋浚

吉語及

皇朝亂亡之故慨惋不已浚吉進袖劄

曰今

皇室之胄偏安廣福而我國濟州在南海

中中國商船時或有漂到者擇從臣之忠信可使者

授以本州之任令先通水路繼遣使价則數十年痛

鬱之誠庶可以一朝得達于

天朝也

王優納

尊周景編

戊戌十二年

孝宗太

春正月

帝在滇都

行在陽秋

○三

月虜遣洪承疇吳三桂等分道寇雲南

尊周景編

○秋九

月王解所御寶劔賜右參贊洪命夏曰君臣誓為

一死之計舉義長驅掃除腥染則幸矣若天心未回

大勳未集則將令世子奉

宗社泛海入耽羅國脉

庶不至終絕矣

尊周景編

○冬十二月

王賜吏曹判書

宋時烈貂裘曰遼薊風霜將與同驅馳也

尊周景編

○李

定國兵潰於遮炎河

帝出奔沐天波議幸緬甸

帝可其議駕遂發滇官兵男婦馬步從者數十

萬從古乘輿播遷未有若此之衆者

錄野

己亥十三年

孝宗大

春正月虜兵入滇都

帝幸永

昌

行在陽秋

帝以從臣多叛凌意入緬遂出鐵壁

關

錄野

○閏月

帝幸騰越州

行在陽秋

○虜兵入騰

越州

帝幸井樓

行在陽秋

○三月

王召見宋時烈

歎曰天使寡人蚤罹憂患教之以軍旅戰陣之事習之以敵國強弱之勢喻之以山川險易道路遠近又使之久居虜中不氣懾不心畏竊以為天意於我不邈然也予今年且四十餘矣期以十年大事不成則寡人志氣寢衰雖欲平定中原不可得也卿宜與同志之士密謀之予以為與我共事者其惟死虜人子孫也時烈曰一以掃清中原興復明室為已任則卿大夫孰敢不忌身盡力為殿下死也尊周景編○夏四月朔三昇上表迎帝緬人請勅止之勅曰朕已航閩將軍善自為計三昇奉勅痛哭遂撤師野

錄○五月甲子 王薨 王在東宮嘗問宮僚漢之文武孰勝皆曰文帝勝 王曰武帝不忘平城之憂武帝勝及即位首起金尚憲金集巖穴之士無不禮致方將修舉廢墜振起綱維以挽回世道以克酬聖志之所欲為者而卒未能就常有日暮道遠之歎曰一二臣同不為無助今大小敷同惟目前是圖誰與我共此者也己巳 王世子即位列聖○緬王遣官以龍舟迎 帝見中國男女財帛心利之欲圖害 帝遂謀奉駕安置孟坑城外四面皆海人不得通構草房十大間 帝居依然以竹為城百餘

兵守護緬人進貢 帝優賜之陽行在秋

庚子十四年顯宗大元春正月 帝在孟坑城外陽行在秋

○秋九月晉王李定國出孟良與白文選入緬關疏請迎駕不果陽行在秋至江潯諭緬人假道迎

帝不許攻之垂克緬人守益堅文選望鷓鴣城痛哭引兵而去求野錄

辛丑十五年顯宗大元春正月 帝在孟坑城外陽行在秋

○五月緬酋莽猛白弒其兄先是御前摠兵馬寶降于吳三桂三桂使為間至緬言苟縛送 帝出則富貴可立至緬酋凌計出獻其兄曰不可因人之危

而為之利不義且彼天之所立中土之所戴我不能助而反為之害是逆天也逆天不祥不如且全之任

彼後圖緬酋即縛弒之陽行在秋○冬十一月吳三桂入緬甸境緬酋益凌謀逆陽行在秋○十二月吳三桂兵駐

舊晚坡緬酋內叛 帝及 皇太后 皇后 皇太子公主如舊晚坡是日緬官來請移別所數蠻

子將 帝連杭子擡去 太后等上轎約行五里渡河到岸暗黑不知何兵二更到營始知為吳三

桂矣鄧凱匍匐上帳前曰今日事至此 皇上當行一烈使老臣得其死所 帝曰有 太后在

且三桂世受我家恩未必毒及我母子三桂以車駕還南行在陽秋

壬寅十六年顯宗大春正月 帝駕還滇都行在陽秋○

夏四月 太皇太后王氏不食遂崩行在陽秋○原任

戶部尚書襲彝死之彝具酒肴進謁 帝所請

帝出朝禮畢進酒 帝痛哭不能飲彝伏地痛

哭亦不能起再勸 帝飲 帝勉飲三爵彝再

拜遂觸地而死 帝撫之慟幾仆行在陽秋○二十

帝崩皇太子遇害行在陽秋兵三桂以帛進 帝所

帝遂崩皇太子及皇姪殉之時在禺中忽大風

霾黃霧彌天雷電交作空中有二龍蜿蜒而西滇民

無不悲悼焉求野錄摠兵鄧凱收而葬之於囊木河上

尊周景編入昆陽普照寺為僧求野錄李定國聞 帝出

遣將入車里暹羅諸國乞師圖復逗遛交趾境上及

聞 帝崩呼天痛哭昕夕祈死謂其子嗣興部將

斬統武曰任死荒徼無降也數日定國卒統武尋亦

死南疆釋史

施氏曰從官扶 帝進八旗諸將士皆望而呼

萬歲曰此真主也我等雖有主不如奉此以成不

世之功事將成滿漢諸大臣割瓣而起為下所洩

三桂知之大驚即令輦 帝及皇太子出以弓

弦絞于市時太子年十二臨亂大罵曰黠賊我朝

何負於汝我父子何仇于汝乃至此耶是日天大

昏黑風霾并作人影不見 帝既遇害三桂使

人爇屍揚灰傳賜諸將前所謀奉 帝八旗將

士二千餘皆殺之沒其妻子

陽行在秋

闖賊入都城欲撤關外之兵入關禦寇議之不決

而寇已破都 烈皇身殉社稷普天痛憤吳三

桂借兵于虜與寇一戰大勝寇即棄都城西走而

虜晏然以為得都城于賊非得之我也傳檄三齊

迅掃秦晉既得河北又取江南一時迎降恐後者

以寇為 先帝之仇虜能為我滅賊非我仇也

嗟呼賊之發難以何事起天下嗷嗷皆以加賦之

故然加賦于何年皆以虜發難也且河北為賊所

攘猶曰取之于賊河南何罪而奄有之耶我謀不

臧將不擇兵不練廷臣寘邊事于度外邊臣以尋

端卸擔為得計至南都之政賄賂彌彰如狂如醉

使 高皇帝之開門 烈皇帝之憂勤一朝

印墟大可痛也

錄存

謹按興廢係乎天時義理根乎人心故天時或與

人違而義理無時可熄今此中國之淪為夷狄天
時之舛也尊周而攘夷內華而外夷人心之正也
今自永曆壬寅 皇統雖絕其後四年已有我
東建廟之議遂設壇而祀 三皇三皇陟降洋
洋在上於乎已晦之日月復明於一隅青邱既
絕之 皇統長存於數尺崇 壇則天意人
心不歸於此而將矣適也此書之作將以講明大
義成一部 壇史故永曆壬寅以後只書太歲
甲子仍註本國幾年者劉宋紀元義不可用而大
統正朔禮所當尊也蓋昔春秋之旨因魯史而寓

王法故元年則從公所以明魯史也正月則書王
所以尊周室也紫陽之筆尊中國而大一統故黜
魏而尊蜀所以明正閏也黜胡而帝晉所以卞華
夷也若是書所載雖未必盡合於春秋綱目之法
例而庶幾不悖於春秋綱目之本旨也然亦不敢
自信謹以竣後之君子

小華外史卷之上

小華外史卷之八

首陽逸民吳慶元

編輯

男顯相重校

丁未

顯宗大
王八年

春正月贊成宋時烈上疏曰欽惟我洪武

戊申在明年嘗霑雨露之倫莫不追思悲慕况我

聖上承拱北之統繼必東之志其所以發憤興懷思

大作為者必不能已則智謀才力之士無不願立於

朝矣尊編○夏五月湖西進士李重明上疏曰嗚呼

蒼梧駕遠赤縣土崩而

園陵灰燼香火淒涼

神宗如在之靈尚何所依歸也陟降之靈無往不

在而曾樹大功德於吾東則靈其眷戀于東也審矣

伏願 殿下思吾東再造之洪恩推 先王服事之

至誠擇淨界而建廟俾禱祀而長存則不惟舉國之

人皆有所悅服也 宣祖大王在天之靈亦當悅文

孫之繼志也朝議不一事竟不行尊周彙編

戊申顯宗九年秋春三月命修愍忠壇致祭於 皇明東

征將士死事者續編○冬十一月贊善宋浚吉言今

聞虜中有曩陰雨之備當及時講究我國兵力微弱

誠難先發然天若助順事有不可期者則豐功偉烈

何可讓而不居乎繼志述事無過於此判中樞府事

宋時烈曰 先王勵精圖治策勵羣工蓋欲內修外

攘將大有為而凡所措畫未及施行此豈非所當繼

述者乎尊周彙編

壬子顯宗三年秋閏七月祥原郡儒生周東伯上疏請

立 神宗皇帝廟于關西 王召問諸臣領議政

鄭太和曰藩國立廟事體不可且今日事勢尤有所

難行者事遂寢尊周彙編

甲寅顯宗五年秋八月己酉 王薨 王志在繼述引

接將臣論說怠倦或臨苑囿而閱武或因幸行而觀

兵行陣之法靡所不講欲團束精銳儲峙糧械默觀

天下之變而乘機運策臺臣言冗兵未罷 王曰非予好兵而然若深思則可知予意甲寅 王世子即位列聖誌○冬十二月進士李啓祥疏曰側聽吳三桂興義兵戴朱氏而海內莫不響應此說如果然豈非我東方之大幸宜亟遣間使一以慰四十載播越之勞一以暴萬折必東之誠且觀戎虜之釁以探大邦之意與之并舉則於事合宜於義甚正而足以激天下忠義之氣也本朝紀事

乙卯肅宗大元夏閏五月 皇朝遺民韓登科劉太山金長生等上言寄寓本國四十餘年值歲荒無以為

生登科即壬辰征倭時備禦韓宗功之孫微勞亦可紀也令戶曹周卹廩給終其身尊周彙編

丁巳肅宗大元春三月以文可尚鄭善甲等善華語付軍職購屋以處之訓誨譯官貴其為 皇朝人也尊周彙編

癸亥肅宗大元春二月司直朴世采上劄論復雙雪耻之義曰枕戈嘗膽不昧乎大義蓄力相機以善其後圖苟不能然是將冠履倒置綱常斁絕國不為國而不為人矣 王命世采直宿禁中以備訪問尊周彙編

丙寅肅宗大元冬十一月 王召見講官論前史曰自

古凶奴入中華者皆不能久今清入據中國已過五十年矣天理實難知也 皇明積德深仁子孫必

當中興且 神宗皇帝於我國有百世不忘之恩而拘於強弱之勢包羞忍耻以至於今可勝痛哉周尊

編彙

丁卯肅宗大王春二月 王曰 皇明之速亡未必

不由於壬辰東征之役而我國小力弱既不能復讐雪耻弘光南渡之後亦漠然不知存亡每念至此未嘗不慨恨也寶鑑別編○夏五月高城郡進士慎懋上疏曰 神宗皇帝掃除倭寇奠安八方國祚之綿歷

民生之予遺莫非 聖皇之賜也願立 神皇

廟配以東征諸將此猶不可則設壇祭之使後生小民皆知 大明恩德之不可忘是亦縞素之義也

王除懋職尊周彙編

甲戌肅宗大王春正月 王曰 神宗皇帝賜我

宣祖蟒龍衣一領屢經兵燹至今猶存每當披見追憶 皇恩一倍愴神遂賦詩志感尊周彙編

戊寅肅宗大王春三月是歲大饑請和糴于清執義鄭

澍上疏曰方今國勢陵替人心陷溺春秋大義不知為何事一遭饑荒濟活無策忍以忘讐乞憐之心覲

然仰哺於忍痛含冤之地使我溝壑子遺之民又驅

而納諸夷狄禽獸之域而舉世恬嬉曾不之恤臣直

欲痛哭流涕也 王曰今日此論終不可無也尊周彙編

有海州儒生申奎一作全作詩曰聞道燕山粟東輸

三萬斛莫餽海西民首陽海州有首陽山 下有夷齊廟薇蕨綠三

完

己卯肅宗大工二十五年夏六月前僉使朴崑陳疏請立 神

宗皇帝廟以尚書石星經理楊鎬提督李如松配享

尊周彙編○冬十一月 王曰甲申之變 皇明女人

仇離殊方者只有崔田姐一人侍衛屢朝年迫八十

特授尚宮優給米帛寶鑑別編

壬午肅宗大王二十八年春正月講官權尚游趙泰采陳復雪之

意 王曰 神宗皇帝至誠恤我當東援之時有

事入奏雖中夜必起而行之此恩何可忘也尊周彙編

癸未肅宗大王二十九年春三月承旨金鎮圭言 孝廟在瀋陽

值虜犯京師賜書于故參議張善冲曰北人入寇中

朝當時所處何等艱危而書法之嚴正同符於綱目

盖 聖祖之心只知君臣大義不計禍福利害故也

命善冲子椀進之尊周彙編○夏六月遣官致祭于宣武

祠時駕過祠前顧瞻感慨遂有是命特用少牢以祭

尊周彙編

甲申肅宗大王三十年春正月 王召見大臣諸臣曰今年即

甲申也 大明以是歲三月亾歷見前史亾國何

限而獨於崇禎 皇帝殉社有嗚咽不忍讀者我

邦自立國初受 皇朝恩錫號朝鮮視同內服

列聖相承至誠事大壬辰之變 神宗皇帝竭天

下之力以救之得以再造邦家吾東方昆虫草木何

莫非 皇靈所被也丁丑之事有不忍言其時斥

和三臣以死爭之節義炳然綱常不墜到今年紀愈

久世道愈下復讐雪耻固非朝夕所可期至於疏章

間亦未聞慷慨之言已至于寢遠寢忘之域予嘗慨

然如欲使國人無忘含冤忍痛之意則其道何由又

曰 神皇之深仁厚澤無地酬報予心感慨尤切

於是年邢玠楊鎬以東征帥臣亦祠饗之先正宋時

烈曾欲為 神皇建廟以斥和三臣庭享語在三

學士傳此事何如領議政李畬曰此議之行措紳間

者久而不惟拘於形勢儀章品式實多難處時烈不

曾上請必有以也因言參判權尚夏立廟行祀事

王曰予未及知也判尹閔鎮厚因陳立廟首末曰茅

屋祭昭王不過士民追思不忘之意今以藩邦廟享

天子則禮節不亦難乎申琬曰蒼梧有舜廟會稽有禹廟此外歷代帝王之廟在郡邑者不可勝計此豈盡用八佾之舞太牢之享哉不過寓後世追慕之誠而但形格勢拘恐有後慮畬曰今若自朝家立廟當以天子之禮享之禮貌加尊於本國宗廟其禮節甚難惟當內修外攘以明尊周之義以成先王之志事業之大無過於此甲申○三月司直柳成運疏言是年是月十九日即皇都淪沒之日也請設壇祀毅宗皇帝并祭死義諸臣太學士范景文等四十五人王曰嗚呼流光荏苒舊甲重回遙望

故國朝宗無地追天朝不世之殊渥念列聖服事之至誠只自涕淚無從昔我仁祖大王當天地翻覆之日不廢焚香望闕之禮今丁皇朝淪陷之日此心耿耿消鑠不得其令議于大臣大臣申琬徐文重尹趾善等言天時載回感愴如新顧無所用情俎豆追享庶可少伸沒世不忘之義王令築壇于昌德宮後苑之瑞蔥臺其日王具冕服行事及祭嗚咽不自勝侍臣莫不感愴祭畢遣官致祭于宣武祠愍忠壇尊周○夏四月王曰嗚呼光陰易逝涖灘重回天崩地坼卽此歲也不有親祀于何寓

哀肆予義起斷然行之蓋所以明天理植民彝也今
於建廟之事孰有異議或以禮節為拘或以宣泄為
慮然商確得當則禮節自無難便操切象胥則宣泄
豈有是患嗚呼慨念神州滿目腥塵遙望天壽孰薦
明祀夫如是則今日建廟不特予崇報之誠亶在於
此 神皇在天之靈安知不戀茲東土耶尊周之
義皎如日星予志之定堅如金石嗚呼追 聖祖之
志事即予所勉而此猶持疑不行則將何以有辭於
天下後世乎其令禮官斯速稟處尊周○秋九月定
議設壇歲祀 神宗皇帝 王召見大臣諸臣李

畚奏曰天之於天子天子之於諸侯尊相等耳若以
天子祭天之禮祭天子則稍有可倣設壇掃地而行
事即禮所謂至敬無文之意也王者大祭又有禘祭
所以追祭始祖之所自出而常時不立廟設主祭時
設神牌祭畢燎之大明會典所行之儀可考也今若
倣此設壇或一年一祭或春秋兩祭則庶幾極其嚴
敬之道無嫌於追思之誠 王曰 宣廟若當
神皇昇遐之時豈不欲立廟乎予意非偶而大臣諸
臣皆以設壇為是此亦可以少伸至誠定以築壇春
秋設祭旋因大臣議以每歲三月一祭甲申○十二

月大報壇成尊周彙編

乙酉肅宗大壬春三月 王詣大報壇親祭 神宗

皇帝王世子率百官陪祭 王宣示御詩曰壇墀將

事之際况若玉輅東巡獲近耿光感極于中自發於

嗷咏所以示不忘也尊周彙編

丙戌肅宗大壬春三月禮曹判書李頤命言大報壇祭

禮宜一從集禮中儀節 王曰斯禮也即 神宗

皇帝平日耳目之熟習而亦嘗用於 宗廟丞嘗

者求之神理不宜參用國制也時將行壇享 王適

有疾頤命言集禮有 皇帝親王連奠三爵之禮

而陪臣不敢享天子故壇享不差亞終獻官然

皇明時 天子登遐我國遣使進香壇享攝行不

必拘礙矣從之燃蒸

丁亥肅宗大壬春三月 王親祭于大報壇尊周彙編

己丑肅宗大壬春三月 王親祭于大報壇 王世子

陪祭尊周彙編 ○秋九月遣禮官致祭于平壤武烈祠飭

長吏守護尊周彙編

壬辰肅宗大壬春三月 王曰壇享攝事予心不安脚

疾雖未瘳今年必欲親行遂與 王世子詣大報壇

行享禮尊周彙編 ○夏四月禮曹請祭碧蹄平壤 天

朝將士戰亡者從之尊周彙編

癸巳肅宗九年春二月宣武祠春秋仲朔祭命退行於

壇享後尊周彙編○冬十一月 王取覽尚瑞院所藏

皇明恩賜馬牌命匣藏而尊閣之四為 太祖

皇帝所賜二為 神宗皇帝所賜也尊周彙編

丙申肅宗十二年春正月赴燕軍官張文翼進 神宗

皇帝御筆印本 王曰得此至寶喜感交集尊周彙編

庚子肅宗十六年夏四月先是判中樞府事李頤命曰臣

得一古蹟於槐院文簿中刻以右洛經略衙門字而

安寶文經略是宋應昌也粧橫而珍藏之請進大內

又曰國寶即永樂所頒金章龜紐蓋倣漢制奉正朔

大一統之義將與此寶傳守無窮而清人劫取於南

漢城下當時東陽尉申翊聖請別鑄而與之事急未

果國人至今悲之幸此洛本寶章如新請移摹新鑄

與 皇賜蟒衣同作周室之天球河圖 王命摹

鑄國寶而藏之及 王寢疾手書諭侍藥諸臣曰嗣

位日傳寶用清國所鑄心常未安此乃 皇朝賜

本當以此為傳國之寶尊周彙編欲使後世子孫受此寶

而嗣位以母念 皇朝罔極之恩也列聖誌狀○六月

癸卯 王薨 王常以武略不競為憂令羣臣議定

防胡陣法廷臣講朱子書至義理無限歲月如流之

語深陳國耻未雪 聖謨未展 王為之愴然摧咽

嘗曰春秋大義是予家法其至誠惻怛永有辭於後

世戊申 王世子即位列聖誌狀

甲辰景宗大王四年秋八月乙卯 王薨庚申 王世弟即位

列聖誌狀

乙巳英宗大王元年春三月 王遣官致祭于宣武祠曰以示

予體 聖祖尊周之大義也尊周彙編○冬十二月 王

覽萬東廟傍煥章庵所藏 毅宗皇帝御墨感涕

曰 皇明再造之恩没世不可忘也然歲月寢久

人心易狃倘非我 聖祖闡明大義則東土生靈豈

知尊周之義乎仍製 御筆跋文命藏庵中尊周彙編

丁未英宗大王三年春正月 王御召對論及宋元之際曰

皇朝創業光明正大崇禎 皇帝又非亾國之

主而竟至於此豈不痛哉尊周彙編

庚戌英宗大王六年春正月 王語講官曰孔子作春秋必尊

天王所以正君臣之義也我國自 孝廟以後一隅

青邱獨保 大明日月爾等無忘此義也列聖誌狀○

二月 王謁寧陵還次南漢登西將臺指城東峯曰

此清汗所屯處也因俯仰太息領議政洪致中曰願

殿下建述 孝廟之志事養兵儲財收拾人材修

明刑政雖不能興師往討猶足以閉關絕約矣尊周彙編

甲寅英宗大正春三月 王親享大報壇以江漢朝宗命

題令羣臣製進十韻詩尊周彙編

乙卯英宗大正正月宰臣朴文秀以故節度使鄭鳳

壽所受都督府銀印票文進覽 王歎曰此 皇

朝督府印也不圖今日復見漢官威儀命摹寫以入

寶鑑別編○三月 王將親享大報壇時適天寒左議政

徐命均請命攝行 王不許曰予必躬將欲使諸臣

知君臣之大義也尊周彙編

丁巳英宗大正春三月 王患臂手不仁猶欲親享

皇壇羣臣力止之 王曰崇報 皇恩准在數

尺崇壇予曷敢以小疾曠禮乎予病妨屈伸秉珪承

筐懼有失儀燕居之中試以肄習之粗可以如禮也

勿復言列聖誌狀○冬十月 王講宋元綱目語講官曰

我國之於 皇明義重恩隆今講 高皇帝創

業時事况然如復見盛際文物矣仍感涕嗚咽寶鑑別編

戊午英宗大正春三月 王親享于大報壇寶鑑別編○冬

十月特除摠兵李如梅後孫勉僉知中樞府事戊午

深河之役如梅孫成龍隸劉綎麾下漂至我國依王

城府院君張晚幕府生子曰譚得官武兼其子東培除邊將東培兄東栽子菟見今流落江華留守權椅疏乞特恩從之寶鑑別編

庚申英宗大王十六年春三月 王臨宣武祠以 天朝使

臣相見禮揖而不拜寶鑑別編○王講春秋筵臣以尊攘之義陳勉 王嘉納之複製感 皇恩詩及小序

刻揭宣武祠仍命搜訪李如松後孫又購楊鎬文集

尊周景編○夏四月命摠兵李如梅後孫立如梅神主寶鑑別編

辛酉英宗大王十七年春三月 王親享 皇壇寶鑑別編○夏

四月弘文館舊藏通鑑纂要一部即正德中刻本卷

首安廣運之寶 王取覽曰此乃 皇明璽迹篆

畫尚明寶硃如新甚可異也其令本館寶藏以寓予

下泉之思焉寶鑑別編

壬戌英宗大王十八年秋八月有人得古圭於平壤土中以獻

王曰此必 皇明高皇帝所賜與我國而失於

壬辰西狩者也享 皇壇時秉此圭不亦可乎聖列

誌○九月 皇壇樂器成 王命新製一部藏於

于壇側承旨金尚星言樂院有古石磬四枚刻癸丑

造乃宣德八年也宜用之於 皇壇 王可之尊周

彙編

癸亥英宗大王十九年夏四月以羣臣祭服不中度命有司考

大明會典正之列聖誌狀○秋九月 主親製荷 皇

恩樂章命奏之內宴尊周彙編○時清主至瀋宴待使臣

手書匾額以歸朝議將備儀衛迎之正言趙重海上

疏曰今者瀋使越例遠候大被優禮而歸傾都聳觀

以為光榮夫我之所以能自保者士大夫忠義之心

猶足以見憚於彼耳世教數敗今乃至此三百年禮

義之邦其將被髮左衽惟彼 皇壇圭璧之薦殆

歸於虛偽不誠而已 王優納尊周彙編

乙丑英宗大王二十一年春三月 王欲親享 皇壇羣臣止

之 王曰予若益衰欲躬行得乎列聖誌狀大臣諸臣力

請攝儀強而後乃許曰甲申以後 聖考屢年親行

予必欲仰體 聖意今雖勉從羣請心焉怵惕前一

日當先行望位之禮致齋三日宜宿於享所命有司

建齋室於朝宗門外至其日 王具冕服詣壇所行

望位禮由門東入詣版位四拜入東壝門由東陞陛

奉審降復位省犧牲仍詣香幄親閱香祝曰若雨雪

易致沾濕自今香祝宜奉神室內又詣神室祇迎香

祝尊周彙編

卜華外史

卷之八

十四

丙寅

英宗大王二十二年

春三月

王詣

皇壇行望位禮省

牲省器禮曹判書鄭羽良言郊天牲用犢貴其誠慤

也壇享當用犢腥從之別續繼○閏月 王親書垂恩

海東匾額命揭宣武祠別續繼○秋九月命每歲壇享

前期戶禮曹堂上奉審壇所神室壇垣祭器樂器修

補弊缺著為式尊周彙編○先是 王欲復中朝進士科

幘頭襪衫戴蓮花聞喜宴等制然未知其式筵臣有

言故叅判金功當 皇明神宗時奉使朝天

帝宣賜幘頭襪衫及大學衍義一部有御寶真蹟功

歸以巾衫藏之安東學舍 王使之領來至是功之

孫弘運領至時 王弗豫強起巾櫛衣服冠而坐曰

皇朝舊物尤宜尊敬飭所司幘頭襪衫得其式

生進衣冠悉復 明制列聖誌狀

丁卯

英宗大王二十三年

春正月晉州人得古印於南江水濱乃

萬曆倭寇時節度使崔慶會所抱而死者也印上刻

萬曆年號帥臣以聞 王感歎曰覽此益切風泉之

思也親製其銘命留藏本營尊周彙編○三月 王違豫

壇享將攝儀而大臣適有故始命以宗臣替行 王

遂強疾御映花堂親傳香祝隨詣壇所行望位禮而

還尊周彙編

戊辰英宗大正二十四年春三月 王詣 皇壇行望位禮仍

省牲省器尊周彙編

己巳英宗大正五年春三月應教黃景源言明史崇禎丁丑

二月朝鮮告急 帝命摠兵陳洪範調各鎮舟師

赴援三月洪範奏兵出山海數日山東巡撫顏繼祖

奏屬國失守 帝以繼祖不能協圖救援切責之

若南漢數月不下洪範之軍必至城下出師之恩

毅宗 神宗何間焉况 毅宗不責我不能

守城反責繼祖之不能救其憫念屬國之恩未有如

我 毅宗者也 王聽畢嗚嗚曰予誠不知也當

先王設壇祀 神宗時若知有此豈不并祀

毅皇耶遂召見大臣禮官詢并祀當否領議政金

在魯曰我國世受 皇恩今 皇朝淪亾雖并

祀 列聖豈曰少伸情禮惟 神宗再造之恩

載籍之所未有此所以只祀 神宗者也 王曰

當時虜勢憑陵流賊遍中原然猶欲涉海出師遠救

屬國思之不覺淚下 毅宗德意無異 神宗

甲申以來未有享祀若使明史早出并祀之與豈待

今日又曰 高皇帝眷顧我東錫封賜號恩至渥

也今若并祀 三皇不亦善乎在魯等以禮無可

八事夕具 卷之八
據難之居數日 王復召大臣諸臣曰中州腥羶而
東土獨乾淨此志士痛哭處 三皇一壇其義甚
正衆議云何因愀然泣下諸臣皆以為難是夜 王
御集瑞門諭諸臣曰予不安正寢露坐于此 先王
陟降尚其臨予命金善行讀 肅廟御詩其一曰
高皇錫我朝鮮號禍慘龍蛇孰再造侯度恪謹三
百年如天 帝德若何報其二曰忍道孤城月暈
年自茲不得夏朝天痛哉申歲今周六故國無人薦
豆籩 王拱手俯伏流涕良久曰報者大報也籩豆
者享祀也今而後知 聖意之有在也孔子曰罪我

知我其惟春秋予於斯禮也亦云聞清人祀 太

祖于歷代帝王廟陟降之靈其肯顧歆乎今日壇享

可續 皇明已絕之香火予意已定卿等云何在

魯等皆不敢異議遂命并祀 三皇 王親圖壇

制蓋以一壇分三壇略倣同壇之義也命詞臣撰進

樂章以奠以大夫祭以士之義舞用六佾犧牲用太

牢已記○王詣 皇壇行望位禮命撤版位黃龍

席以壓尊也奉審壇上省牲器如儀尊周彙編○夏四月

王親閱壇役告成將祀 三皇宿齋于映花堂

親傳香祝隨詣壇所四拜陞壇奉審壇上設白帷為

殿殿內設黃帟為三房南面西上第一房設 太

祖神位第二房設 神宗神位第三房設 毅

宗神位席用黃純 王降自南陞省牲器謂宗臣曰

皇朝陵寢不血會者百年一壇并享 三皇

列朝事大之誠今可以得伸也時太學諸生請陪祭

命列班拱北門外及期行事記已 王方裸鬯白雲

起自北方蜿蜒逗于壇上有風颼颼引靈雨微灑比

第一位獻畢風恬雲淨月星明概陪祭羣臣相與竊

歎以為感應甚神舉有風泉之思寶鑑別編先是命禮官

儒臣撰 皇壇儀二卷親序其首至是復命增修

既成又序之分藏壇所及江華安東史庫皇壇儀

庚午英宗大王二十六年春三月 王詣 皇壇行望位禮省

牲省器顧謂大臣曰自 三后并享儼然若玉輅

東狩不勝風泉之思製下感 皇恩三十韻命藏

于齋室俾予子孫知予意也寶鑑別編○夏五月 太

祖 神宗 毅宗三皇忌辰命勿舉樂尊周彙編○

秋九月 王幸溫陽還至水原登禿城山望海門喟

然歎曰此陳璘金日觀舟師東來之路也 皇恩

何可忘也予已白首矣江漢朝宗永無其望安得不

悽然傷懷乎因嗚咽流涕尊周彙編

辛未

英宗大壬七年春正月

王行望位禮于

皇壇尊

編○三月 王以

毅宗忌辰行望拜禮于後苑

曰是日即

毅宗禮陟之日也香煙向北恍若龍

馭復臨不覺淚下

二皇忌辰當一例行禮以伸

微誠他日

嗣王能思我此心奚徒予幸寔體我

聖祖

聖考尊周之盛德也

寶鑑別編

至期皆行禮如儀

尊周

○冬十月

王幸於義宮即

孝廟潛邸也召

見官外居人曰此

皇明遺民

聖祖所嘗愛恤

者也今過此地追慕之懷匪風之思益切于中命有

司從厚顧恤

尊周

壬申

英宗大壬八年

秋七月

王詣映花堂前庭行望拜禮

尊周

癸酉

英宗大壬九年

春三月

王行

皇壇望拜禮製槍

懷記憶詩

尊周

○夏五月

王行望拜禮

尊周

○秋

七月

王行望拜禮曰

三皇諱日皆已望拜匪

風下泉一倍于心况今日何日尤切愴感

寶鑑別編

甲戌

英宗大壬三十年

春三月始行

三皇即位日望拜禮

王覽明史

太祖即位於洪武戊申正月四日

神宗即位於隆慶壬申六月十日

毅宗即

位於天啓丁卯八月二十四日時正月已過遂以翼

善冠袞龍袍迺行於後苑又行 烈皇帝諱日望

拜禮尊周彙編○夏六月 王行 顯皇帝即位日望

拜禮親製憶 皇恩詩尊周彙編○秋八月 王行

烈皇帝即位日望拜尊周彙編

丙子英宗大王春二月 王親閱集祥殿所藏 太

祖高皇帝御製御筆皇陵碑文 宣宗 憲宗

神宗御畫御筆及 皇賜蟒衣故相臣李頤

命所進萬曆癸巳咨本置藏于濬源殿左養志堂西

夾室又得文貞公金塔所齋來崇禎丁丑大統曆藏

于 皇壇奉室并親為文以識之寶鑑別編○三月

王違豫而將親行壇享大臣力請攝儀 王曰眩氣

雖或發作若詣壇殿則忘之矣 王詣 皇壇省

牲器仍行享禮尊周彙編○王講風泉章承旨吳彥儒曰

到今年代寢遠人心狃安外面尊攘之語亦不復聞

矣今我 聖上既享 皇壇又講此詩所以扶植

世教激勵人心者豈不躋哉益加勉勵以為內修外

攘之實焉政院日記○王步詣明政殿月臺行望拜禮尊周彙編

○夏五月 王行望拜禮詣 皇壇親閱崇禎

甲申曆寫小識以記之尊周彙編○王詣 皇壇奉審

以奉室修改故也尊周彙編○秋七月久雨 王奉審

皇壇奉室彙編周○九月得馬牌十三枚於大內皆

刻 皇朝年號命同藏于尚瑞院彙編周○冬十一

月 王率諸臣行望拜禮是歲即南漢被圍之年也

王感念 皇朝焚香行禮涕泣沾襟在位者無

不感激彙編周

丁丑英宗大王三十三年春正月 王詣 皇壇行望位禮仍

題感懷文彙編周○王御明政殿月臺行望拜禮命忠

烈祠顯節祠殿享諸臣後孫并許叅班曰是日三十

即南漢出城日也嘗見日記日為之無光今日亦然

况明日 穆陵諱辰也蟒衣觀 先王是何朝也建

思日暮道遠之教予有何繼述乎俯伏良久感愴不

自勝寶鑑彙編○二月 王臨宣武祠親行奠酌訖 王

曰今日君臣同飲此盃以不忘 皇朝可也取第

一位爵親嘗之分賜在位諸臣取第二位爵賜

皇朝人及忠臣後孫 王愀然曰東土遺民幾不知

皇恩之如何而黃河不清世人皆濁欲以此酒

喚醒耳彙編周○三月 大妃有疾 王不得親行壇

享夜步宮庭風便聞壇上鐘磬之聲愴然徘徊聲止

乃寢寶鑑彙編翌日詣壇所展拜彙編周

已卯英宗大王三十五年夏五月 王詣 皇壇展拜彙編周○

秋七月 王詣 皇壇展拜尊編周○冬十二月命

禮官撰 皇壇奉審儀列聖誌狀

庚辰漢宗大王十六年春正月 王詣 皇壇展拜尊編周○

王幸宣武祠曰今日臨此意有在也尊編周○夏六月

王臨奉常寺見神室有 大明東征陣亡官軍

位版命設壇致祭因建祠于宣武祠之左春秋一體

致祭仍幸宣武祠寶鑑別編曰送使拜門禮也今無拜皇

華之路入此祠而不拜是豈思皇華之道尊編周遂行

再拜禮又聞本祠祝文只稱國 王而不名曰曾見

宣廟移揭邢公必書 御諱祝文何獨不然命自

今書 御諱著為式寶鑑別編

壬午英宗大王十八年春三月 王親享 皇壇御崇賢門

諭大臣諸臣曰一隅青邱 大明猶在 毅宗

之靈亦當洋洋矣昨日心感今夜夢中有人持吾

皇影幘示予故不覺起敬睡覺像想寔倍興感辨

輒仍詢問從享當否遂以武寧王徐達從享 太

祖高皇帝寧遠伯李如松從享 神宗顯皇帝文

貞公范景文從享 毅宗烈皇帝尊編周○夏五月

王行望拜禮曰丁丑下城時 烈皇帝慰諭我

使臣曰勢固爾也仍頒皇曆此恩何可忘也尊編周○

秋九月 王詣

皇壇經宿于齋室以版位修改

故也尊周彙編

甲申英宗大王四十年

春正月

王感念

皇都淪亾太歲

格外不可

王法然尊周彙編

曰予年已望八重逢甲申

日暮途遠河水未清將與草木同腐今此設科所以

慰忠臣義士之心也寶鑑別編仍命顯節忠烈二祠殿享

人後孫與 皇朝人子孫許赴紅牌勿書年號諭

諸臣曰中州文物無地可徵一片乾淨地惟在我東

之 皇壇歷萬古而長存此意不可不知之尊周彙編

○三月 王將以 毅宗殉社日親享 皇壇

先行肄儀命撤樂行幸尋嫌其儀文不備欲退卜翌

日副校理李明煥上疏曰今甲申季春十九日我朝

鮮 皇壇之享天下之大禮也以 殿下痛怛之

誠穆然消蠹洛神凝思固已感動天地迎釐 三

皇三皇在天之靈亦必降監於壇壝之上請以初卜

日去樂行禮禮曹參判徐命膺曰禮天神卜辛日

皇壇以祭天之禮祭天子二十日適為辛日十九

日 殿下詣壇省牲以伸追感二十日設樂行事為

僂 王曰善尊周彙編顧謂 世孫曰我國之至有今日

因非、皇朝之恩也。召爾來見，亦欲使知尊周之義也。夏命作樂肆儀。列聖誌狀至期宿戒于齋室，曰：望八親享亦稀有事也。予當會素三日，諸臣對曰：崇報

皇恩，豈在蔬食末節，惟願量力行之。王詣壇上，親審神榻，奉御製冽泉志，日卓午，不御常膳。諸臣固請，王嗚咽曰：延懷煤山，食豈下咽，仍書下。皇

朝日月，我東大明八字印，頒陪祭諸臣及行事燎烟，始升雅樂，方奏忽有淒風襲人，白氣如雲，如虹自壇上起。尊周彙編既卒事，王餘誠未已，露伏壇前，至天明，白氣彌亘，黃帷上見者異之。列聖誌狀○王幸宣武祠親

為文以祭，命移慕華館，楊鎬紀功碑，置祠傍。尊周彙編

乙酉英宗大明年春三月，王親享于皇壇，既撤語，諸臣曰：亞獻而氣益清，殆若神助也。列聖誌狀○秋九月

丁亥英宗大明年春三月，王親享于皇壇，既撤語，諸臣曰：亞獻而氣益清，殆若神助也。列聖誌狀○秋九月

王幸慕華館，親製感皇恩四言詩。尊周彙編

戊子英宗大明年春三月，王行望拜禮。尊周彙編○夏五月，王行望拜禮。尊周彙編○秋七月，王御崇政殿月臺

行望拜禮。寶鑑別編

己丑英宗大明年冬十二月，命蒐輯皇朝詔勅，編成

二卷名曰追感

皇恩編令校書館刊印既成與

太祖 宣宗

毅宗御書御畫同藏于慶

熙宮之敬奉閣親題匾額以揭之尊周彙編

庚寅英宗六年夏五月 王行 高皇帝忌辰望拜

禮于崇政殿以 高皇諱辰在閏月命若值閏月

以是月行禮著為式又親受芸閣刊進洪武正韻續

綱○閏月 王親書北苑尺壇日月明西岡小閣風

泉銘十四字以示諸臣曰此因奉閣葺理心于

皇朝疇昔之夢如履周道近日月之耿光覺而記懷

欲示卿等而召之矣政院日記○秋七月 王臨弘文館

誦匪風下泉章命 王世孫讀匪風章尊周彙編○王行

望拜禮仍詣敬奉閣奉審尊周彙編

壬辰英宗大壬辰四十八年春三月 王率 皇朝人遺裔及

宣廟壬辰死節人後孫詣勤政殿舊址行望拜禮以

重逢再造之甲子也列聖誌○夏六月 王詣 皇

壇展拜尊周彙編○秋七月 王詣崇政殿月臺行望拜

禮尊周彙編○王世孫進講三編綱目司書李養鼎曰此

彼人所纂輯故割去弘光永曆而冒錄順治非可講

於書筵者矣 世孫令太史之兼賓客者改修以講

之名曰大書分註春坊日記

祭已英宗大王春三月 王行望拜禮尊周彙編○王詣敬

奉閣展拜命承旨寫感頌 皇恩四字尊周彙編○夏

五月 王詣敬奉閣展拜命承旨讀延感 皇恩

錄尊周彙編○六月初 皇明詔使之東來輒錄其與

陪臣唱酬詩文各為一帙歲久散佚 王以 皇

朝舊蹟不可湮沒命廣加蒐輯編成全書名曰皇華

集尊周彙編○王詣 皇壇展拜命 王世孫奉審壇

上尊周彙編○秋七月 王詣敬奉閣展拜命承旨寫

皇恩頌尊周彙編

甲午英宗大王春三月 王行壇享肆儀時春秋八十

一歲而又在靜攝中也詣延和門外祗迎香祝仍詣

敬奉閣展拜幸弘文館講詩匪風下泉二章尊周彙編○

夏五月 王行望拜禮尊周彙編○秋七月 王行望拜

禮仍詣敬奉閣展拜

乙未英宗大王秋七月執義柳義養言萬曆乙未

神宗皇帝詔本國設愍忠壇禮部給銀辦祭物諭祭

于東征陣亡將士今太歲三回請依 聖旨令諸

道就其立殮諸處設壇致祭從之尊周彙編

丙申英宗大王春三月丙子 王薨 王一念尊周至

倦勤而彌篤當 皇朝忌日輒御素膳曰此非予

強自勉為者一端誠心根自本性而然也嘗於

高皇帝忌辰行望拜禮風雨驟至灑入御衣俯伏不

起大臣力請始還尊周彙編辛巳 王世孫即位濬源譜略

戊戌正宗大夏五月 王展拜 皇壇司直金用謙

奏言 高皇帝御製集出來東方者甚鮮請令刊

行使東國臣庶獲覩 聖人制作從之尊周彙編

己亥正宗大春正月 王詣 皇壇展拜尊周彙編時議

者言 皇壇迎神送神獨無樂章宜用史志所載

嘉靖中九廟春享 太祖高皇帝樂章舞用八佾

樂用宮懸祭服用青羅 王曰史志所載樂章皆子

孫祀先之語本國壇享襲用此語於禮不可侑舞增

六為八則是舞備而樂不備也其視親王祭 仁

祖之禮亦不相合諸如此類難以悉舉與其輕改無

寧仍舊之為寡過矣噫夷狄亂夏四海腥羶惟我東

土崇祀 三皇春秋大義賴是而不絕蓋以侯邦

而祀天子禮雖無考特以忍痛啣冤之心有此義起

而古者皇帝廟多在郡國蒼梧祀舜會稽祀禹是以

我國之祀 三皇禮也非僭也尊周彙編○三月 王

將親行壇享命自今親享誓戒行于春塘臺只令享

官叅班攝行誓戒及肆儀行于拱北門忌辰望拜禮

亦依仁廟故事行于春塘臺并著為式至期齋宿于擴文院陪香祝詣壇所省牲器行事如儀尊周彙編○

秋七月 王行望位禮尊周彙編

庚子正四年夏五月 王行望拜禮日省錄

壬寅正六年夏五月 王行望拜禮承旨鄭志儉言行

禮時所奉闕字牌新造一面藏之奉室爐盒亦宜用

皇壇所藏從之錄省○王御觀物軒語閣臣曰

予胃弱不耐喫素而先王每於高皇帝忌辰

行素予平日仰觀故亦行之矣錄省○秋七月 王

將行望拜禮時 王違豫大臣諸臣齋奏請寢皆不

許行禮後詣壇所奉審錄省

癸卯正七年春三月 王親享于皇壇命享官清

齊舞工齋沐適雨甚諸臣爭請攝行不從錄省

甲辰正八年春三月 王詣皇壇行望位禮親省

牲器曰念彼周京采切萬折之感退考斥和臣事蹟

忠義凜凜令人一字一涕錄省○王行望位禮日省錄

乙巳正九年春三月 王將行皇壇望位禮以齋

戒無定制命禮官考奏詣皇壇行望位禮省牲

器錄省○王行望位禮日省錄○夏五月 王行望拜

禮錄省○秋七月 王行望拜禮曰今日即神

宗皇帝忌辰也再造 皇恩與天無極矧逢此日

益切風泉之感錄日省○冬十一月 王命諸臣編輯

羹墻錄曰尊周事實不可不謹錄以為垂裕後昆之

資也錄日省

丙午正宗大春三月 王行望位禮錄日省○王行望拜

禮命自今儀註勿稱 殿下而書國 王錄日省

丁未正宗大春三月 王詣 皇壇行望位禮錄日省

錄○秋七月 王行望位禮錄日省

戊申正宗大春正月 王曰 太祖高皇帝以戊

申正月乙亥建有天下之號即天子位改元洪武今

歲運重間日干適符豈可虛度遂詣 皇壇行望

位禮錄日省○三月 王曰值茲開朔之年歲首望位

不足以少伸風泉之誠遂宿齋于北苑詣泃泉門外

行望位禮錄日省○儒生趙嶼上疏言別建一廟於都

城之內備禮祀 神宗皇帝以報存邢之德 王

不許曰吾東方得有今日莫非 神宗所賜崇報

之節寧容少缺古禮壇尊於廟觀於園印明堂之序

次可知已 聖祖義起之制允叶經權何敢容議錄日省

錄○冬十一月命立 皇朝提督李如松家廟初

甲申之變如松子性忠死焉其子應祖脫身至本國

流落關東至其孫萱朝廷始知為如松遺裔特命除職屢歷州郡至是其族人之在燕者曰徧德以其世譜托我使相傳 王覽而異之遂有是命因賜萱名曰源擢拜禁衛中軍命戶曹購第建廟以賜之親撰祠堂記刻揭其楹錄日省

己酉正宗大玉春三月 王行望位禮錄日省 ○夏閏五月

王行望位禮錄日省 ○秋七月 王行望位禮錄日省

錄 ○冬十二月致祭于提督李如松家廟以其生年之復回也擢其嗣孫源為慶尚左節度使錄日省

庚戌正宗大玉春三月初 孝廟自燕還 皇朝人

黃功王鳳岡王文祥馮三仕王美承楊福吉鄭先甲柳溪山裴三生等陪駕東來 孝廟使居潛邸朝陽樓下其後獨美承無後諸人子姓甚繁謂之隨龍八姓雖或有蒙恩拔擢入預宿衛出典州郡者僅一二數餘皆甘處下流不堪其苦 王聞而憐之至是行毅宗忌辰望拜禮于春塘臺召見諸人曰今日行禮下泉之感無地可伸命置 皇壇守直官三員以八姓及流寓人後孫通擬又置漢旅三十額入直于朝宗門內壇享時行奉神榻設饌撤饌等事錄日省 ○秋七月 王行望位禮錄日省

壬子正宗大王夏五月 王行望位禮時 王違豫大

臣諸臣迭諫不從錄○秋七月 王行望位禮召

見 皇朝人及忠臣後孫參班者曰吾東再造恰

閱二百星霜事實久而易晦人情遠而易扭每年是

禮無敢或曠者不惟粗伸風泉之誠竊欲遵守我家

法也錄○因關西道臣洪良浩狀請 皇明參

將駱尚志命祀配武烈祠曰駱參將大功偉勞尚闕

一體之祀實為曠典特許造版妥靈耳溪

癸丑正宗大王夏五月 王行望位禮錄○秋七月

王違豫不得展拜 皇壇命承旨替審奉室特

擢提督李如松嗣孫源為知中樞府事兼都摠管仍

命源往審宣武祠曰是日何日 神宗再造之恩

與天無極匪風之感下泉之思將於何寓其萬一既

遣近臣替審奉室申使武臣李源往宣武祠周示之

者蓋欲識此日而此何足以識之也錄

甲寅正宗大王春三月 王行望位禮錄○夏五月

王行望位禮召見儒生李厚燾等曰予之率汝等

為此舉者蓋以念京之義每盡行禮之誠切欲追述

先王聖意俾知大義之猶存於世間殆若長夜昏

衢炳煒一點之星光也錄

乙卯正宗大王十九年春三月 王詣壇門外行望位禮省牲

器日省錄 ○秋七月 王行望位禮日省錄

丙辰正宗大王二十年春三月 王將親享 皇壇既省牲

器曰省鼎鑊視滌漑監取明水火大明集禮 皇

帝并親行自今壇享先省器次省牲次省鼎鑊視滌

漑監取明水火實為從周之一端亦可以仰述先志

仍親行如儀謂諸臣曰歲月寢遠人情易狃尊王之

義幾乎無地講明矧今皮幣往來之際尤欲警惕此

心使一脉陽秋賴以不墜雖儀文度數之末亦可以

想像感發諸臣須體此意各自勉勵禮畢又曰

皇靈陟降洋洋監在周旋之際增我寤愉日省錄 ○夏

五月 王行望位禮時 王違豫大臣請寢成命不

從日省錄 ○秋七月 王行望拜禮日省錄

丁巳正宗大王二十一年春三月 王行望位禮日省錄 ○夏五月

王行望拜禮曰每當此日必躬自行禮者非但為

風泉之感體 先王尊周之 聖意欲使我子孫知

此日應行之禮也顧今世級日降人心日渝將至於

三皇諱日之不能記得其在時措之義安得不

當此日行此禮也日省錄 ○秋七月 王行望拜禮日省錄

錄

戊午

正宗大王二十二年

春三月

王行望拜禮

日省錄

○秋七月

王行望拜禮曰是日晨朝遙拜

神宗顯皇帝

諱辰有風弗弗泉亦東流愾我寤歎允增榛苓之感欲說 皇恩涕在言先人情久而狃安大義日益

湮晦所謂天經地義幾乎熄矣此尊周錄之所以編

輯也日省錄○命設壇義州府祭 皇明義士白大

豪等二十一人 皇朝遺民林寅觀等九十五人

日省錄○命錢塘黃功玄孫聖才令御將付勸武日省錄

己未

正宗大王二十三年

春三月

王詣

皇壇行望位禮祇

迎香祝省牲器視鼎鑊視滌漑監明火曰享前一

日齋宿然後省牲器或奉審奉室近年以為例豈可

於誓戒之後應接他事乎執事官皆以忠良子孫填

差俾勿相混仍以為式時北使齋至也錄○夏五月 王行

望拜禮日省錄○秋七月 王行望位禮曰昔在 先

朝建閣於西闕槐院敬奉 皇朝誥勅因院解頽

圯巋然一閣在路傍甚妨於觀瞻 皇壇之東既

有奉室則於其西墻外側階仍舊間架移建妥奉允

合於事理令度支卜日舉行禮曹判書徐龍輔言敬

奉閣誥勅及御筆御畫奉安後宜有奉審曝曬之節

每年春初一體舉行從之日省錄○王詣奉室行禮出

朝宗門祇迎 皇朝詔勅權安于齋殿曰朝詣冽

泉門外行禮仍審敬奉閣新址雖是騰鏤之本

皇朝詰勅藏于 皇壇之傍絳雲青簡若接昔日

皇華之盛周旋登降當作何懷詣敬奉閣親審工役

祇迎誥勅行禮如儀省○先是有石漢英者自稱

皇朝尚書石星弟奎後裔與其弟漢俊入叅望

拜之班 王召見于齋室漢英具言其高祖繼祖崇

禎甲申與僧徽淨同出滿浦鎮從海西流寓安峽命

考實以聞令兵曹給馬往省于平壤武烈祠使行時

石尚書族譜不惜價費購來省

庚申

正宗大王二十四年春三月

王詣奉室行禮省

○夏四

月命提督孫李熙章紅牌勿書年號此後似此之人

紅牌與教旨依此例又以宸翰諭閣臣尹行恁曰如

爾家人宜無不同焉省○五月 王行望拜禮省

錄○王詣奉室行禮又詣敬奉閣臨視槐院文蹟奉

安之役曰祇拜奉室歷審敬奉閣藏弄萬曆前後事

大文蹟周旋升降感慨料切仍念麻提督當龍蛇之

役提兵東出其功烈之盛與李寧遠相伯仲其孫舜

裳因難來投後承或云流落湖南令京外訪問以聞

又曰文可尚以信國之孫值遼瀋之難航海東歸而

獨其後無聞焉亦令京兆按聞以奏錄首○六月己

卯 王薨 王在春邸時編明紀提挈二十卷著弘

光隆武永曆 三皇之紀以續春秋大一統之義

嘗於 黎皇忌辰將行望拜禮時 王違豫大臣

請寢成命 王曰予所以一分伸誠惟此事若因微

病遽爾停止豈不有缺於情禮乎至若事關尊攘大

義則褒忠獎義酬德報功尤致惓惓焉錄首甲申

王世子即位列聖誌狀

癸亥純祖大春三月 王詣奉室行禮錄首○夏五月

王行望拜禮錄首○秋七月 王行望拜禮錄首

甲子純祖大春三月 王行望拜禮錄首○夏五月

王行望拜禮錄首○秋七月 王行望拜禮錄首

丁卯純祖大春三月 王詣奉室行禮錄首

戊辰純祖大春三月 王親享于 皇壇錄首○秋

七月 王行望拜禮錄首

己巳純祖大春三月 王行望拜禮錄首○夏五月

王行望位禮錄首○秋七月 王行望拜禮錄首

庚午純祖大春三月 王行望位禮錄首○夏五月

王行望拜禮錄首○秋七月 王行望拜禮錄首

辛未純祖大春三月 王行望拜禮錄首○夏五月

王行望拜禮日省錄日省 ○秋七月 王行望位禮日省錄日省

癸酉純祖三年王 夏五月 王行望拜禮日省錄日省 ○秋七月

王行望拜禮日省錄日省

丁丑純祖七年王 夏五月 王行望位禮日省錄日省

戊寅純祖八年王 春三月 王行望位禮日省錄日省 ○夏五月

王行望位禮日省錄日省

庚辰純祖十年王 夏五月 王行望拜禮日省錄日省

甲申純祖十四年王 春三月 王親享于 皇壇 王世

子陪日省錄日省 ○王行望位禮曰湑灘之舊甲今回風

泉之永感載新豈可無追述志感之舉乎宣武祠武

烈祠致祭日省錄日省 ○夏五月 王行望位禮 王世子

陪日省錄日省 ○秋七月 王行望位禮 王世子陪日省錄日省

錄日省

小華外史卷之八

小華外史跋

嗚呼昔惟我殷先父師若曰商其淪喪我罔為臣僕
卒之以自靖自獻于先王者義之正也故傳稱箕子
入朝鮮武王因封而不臣夫武王聖人也箕子曷為
而下臣聖人義不可也義可則臣紂義不可則不臣
武王天地之大義也夫處存亡之際而不失正大之
義者惟聖人能之故問父師之風者雖隔百世之下
萬里之外猶有興起而況我朝鮮乎朝鮮承父師之
餘禮義之俗見稱中國逮我列朝以來賢聖繼作
而尊周事大之誠卓越前古繇是而上行下效若風

草之必偃故凡爲我朝鮮臣子能盡忠所事者未有不盡心

皇朝者矣南城之權一何背馳之甚也皇朝我之父母建虜父母之仇讐也吾不可以存亾而改節者卽我父師所傳天地之大義也而

明社未屋又不能爲自靖獻于之計者何也詩云悠悠蒼天此何人哉歸咎人之辭也吾未知設權賣國陷吾域於不義者果何人也嗟虜嗟虜大義雖晦人心不亾是以志節之士抗論朝堂忠貞之臣喋血虜庭可有辭於天下後世而至於愴歎懷周謳吟思漢之旨無不發於情依於義形於文墨而不知止焉

豈非我列聖相傳大義沁入人心不可以終亾耶今距南城之難歲閱數百矣人皆習熟安恬諱言義理遂使一脉陽氣困於衆陰幾何不冷然成冰也余以忠烈遺承大爲此懼不避猥越必欲講明第念

三皇儼臨於壇上而崇禎之紀元皇朝之遺

民尚葆明社於吾東則不可無史故首明虔奉

正朔受冊踐位自我朝始而不以存亾廢焉凡繫義理之竢百世不惑者無遺必載尊周之義如日中天矣蓋自春秋以後列國君臣世講尊攘久而采芻惟我東而已嗚呼以余之蔑識禱昧自托述傳記聞者

固知安率然尚賴此篇之存而有以繼述我祖先闡揚我列朝于以上接乎父師之傳不失天地之大義則雖桑海反復日月變更而千載之下亦必有恕其僭而悶其勞者矣嗚呼悲夫

崇禎紀元後四癸巳冬首陽逸民吳慶元謹題

嗚呼此我先君子手定書也先君以大義之寢湮
愾然興歎粵自洪武壬申洎崇禎以後凡係
皇朝字恤之恩東人風泉之思蒐羅詮表罔或不
嚴殫精極慮十有餘年始完是編顏之曰小華外
史編摩既久而猶以為未盡善也易藁數四常以
自隨臨終顧謂不肖曰此吾未卒業也汝其踵之
不肖涕泣受命雖於屏剪費絕之中亦嘗繙閱而
遺音在耳手澤尚新有不忍終卷撤筆者屢矣今
纔工始訖蓋就其句複而易眩文繁而寡徵者皆
刪節之惟其有關於皇朝者謹書之將欲以

繼述我先志而要不失義理之宗旨也原書之下
係以 大報壇志王人傳遺民傳等書書凡十
二編嗚呼以不肖之謏蔑既乏蘭臺之大筆敢當
龍門之遺托而惟是校正之役嘗於趨庭之餘不
無一二承聆者故不揆猥越略加修潤今焉風樹
靡及受成無所其所刪留安得免僭妄之懼而亦
難保其一一無違於遺志也噫南城之耻尚忍言
哉顧宜為國而諱猶且書之者將以彰明我 仁
廟志事於天下也雖以是書所載尚可以仰認
仁廟持守之確秉執之大光明嚴正哀痛惻怛而

一念拱北萬折必東之 聖意雖於百世之下固
炳烺如也此一段文字為義理之大防乃如此而
先君嘗所惓惓於是者今當叙述編書顛末敢以
是終焉

不肖男顯相謹書

